

---

OFFERYNNAU STATUDOL CYMRU

---

**2017 Rhif 553 (Cy. 127)**

**CYNLLUNIO GWLAD A THREF, CYMRU**

**Rheoliadau Cynllunio Gwlad a Thref (Rheoli  
Hysbysebion) (Diwygio) (Cymru) 2017**

<i>Gwnaed</i> - - - -	5 Ebrill 2017
<i>Gosodwyd gerbron Cynulliad Cenedlaethol Cymru</i> - -	11 Ebrill 2017
<i>Yn dod i rym</i> - -	5 Mai 2017

Mae Gweinidogion Cymru, drwy arfer y pwerau a roddir i'r Ysgrifennydd Gwladol gan adrannau 220 a 333 o Ddeddf Cynllunio Gwlad a Thref 1990(1), ac sy'n arferadwy bellach ganddynt hwy(2) yn gwneud y Rheoliadau a ganlyn:

**Enwi, cychwyn, cymhwyso a dehongli**

1.—(1) Enw'r Rheoliadau hyn yw Rheoliadau Cynllunio Gwlad a Thref (Rheoli Hysbysebion) (Diwygio) (Cymru) 2017, a deuant i rym ar 5 Mai 2017.

(2) Mae'r Rheoliadau hyn yn gymwys o ran Cymru.

(3) Yn y Rheoliadau hyn, ystyr "Rheoliadau 1992" ("*the 1992 Regulations*") yw Rheoliadau Cynllunio Gwlad a Thref (Rheoli Hysbysebion) 1992(3).

**Diwygio Rheoliadau 1992**

2.—(1) Mae Rheoliadau 1992 wedi eu diwygio fel a ganlyn.

(2) Yn rheoliad 15 (apelau i'r Ysgrifennydd Gwladol), hepgorer paragraff (2).

(3) Yn Atodlen 4, mae Rhan 3 wedi ei diwygio fel a ganlyn—

- 
- (1) 1990 p. 8. Diwygiwyd adran 220 gan adrannau 31, 32 ac 84 o Ddeddf Cynllunio a Digolledu 1991 (p. 34), a pharagraff 20 o Atodlen 6 iddi, paragraff 34 o Atodlen 7 iddi a Rhannau 1 a 2 o Atodlen 19 iddi, ac adran 120 o Ddeddf Cynllunio a Phrynu Gorfodol 2004 (p. 5) ("*Deddf 2004*") ac Atodlen 9 iddi. Mewnosodwyd adran 333(2A) gan adran 118(1) o Ddeddf 2004 a pharagraffau 1 a 14 o Atodlen 6 iddi. Mae diwygiadau eraill i adrannau 220 a 333 nad ydynt yn berthnasol i'r Rheoliadau hyn.
- (2) Trosglwyddwyd swyddogaethau'r Ysgrifennydd Gwladol, i'r graddau y maent yn arferadwy o ran Cymru, i Gynulliad Cenedlaethol Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672). *Gweler* y cofnod priodol yn Atodlen 1. Trosglwyddwyd swyddogaethau Cynulliad Cenedlaethol Cymru i Weinidogion Cymru yn rhinwedd adran 162 o Ddeddf Llywodraeth Cymru 2006 (p. 32) a pharagraff 30 o Atodlen 11 iddi.
- (3) O.S.1992/666; *gweler* rheoliad 15 o O.S. 2008/1848 (Cy. 177) mewn perthynas â chymhwyso O.S. 1992/666 i arddangos, ar unrhyw safle yn ardal y bleidlais, unrhyw hysbyseb sy'n ymwneud yn benodol â refferendwm. Nid yw'r diwygiadau eraill yn berthnasol i'r Rheoliadau hyn.

- (a) ym mharagraff 1(a) yn lle “paragraphs (a), (b) and (c)” rhodder “paragraphs (a), (aa), (b) and (c)”;
  - (b) ym mharagraff 1(c)—
    - (i) yn is-adran (3A) a amnewidiwyd, ar ôl “subsection (3) shall” mewnosoder “, in the case of an appeal against the refusal of express consent,”; a
    - (ii) ar ôl is-adran (3A) a amnewidiwyd, mewnosoder—
      - “(3B) The notice mentioned in subsection (3) must, in the case of an appeal against the grant of express consent which is granted subject to conditions or an appeal under subsection (2), be accompanied by a copy of each of the documents mentioned in subsection (3A)(a) to (d) and a full statement of case.”;
  - (c) yn lle paragraff 1(d), rhodder—
    - “(d) for subsection (4) substitute the following subsections—
      - “(4) The appellant must, in the case of an appeal against the refusal of express consent, serve on the local planning authority, as soon as reasonably practicable, a copy of the notice mentioned in subsection (3).
      - (4ZA) The appellant must, in the case of an appeal against the grant of express consent which is granted subject to conditions or an appeal under subsection (2), serve on the local planning authority, as soon as reasonably practicable, a copy of—
        - (a) the notice mentioned in subsection (3); and
        - (b) the full statement of case.””
  - (d) ar ôl paragraff 1(d) mewnosoder—
    - “(da) omit subsections (4A) to (4BB);”;
  - (e) ar ôl paragraff 1(e) mewnosoder—
    - “(f) after subsection (5) insert—
      - “(6) In this section “full statement of case” means and is comprised of a written statement containing full particulars of the case the appellant proposes to put forward in relation to the appeal and copies of any supporting documents the appellant proposes to refer to or put in evidence.”.”;
  - (f) yn lle paragraff 2(b), rhodder—
    - “(b) omit subsections (1A) to (4);”;
  - (g) ar ôl paragraff 2(d) mewnosoder—
    - “(da) omit subsection (6ZA);”.
- (4) Hepgorer Rhan 4 o Atodlen 4.
- (5) Yn Atodlen 4, mae Rhan 5 wedi ei diwygio fel a ganlyn—
- (a) ym mharagraff 1—
    - (i) ar ddiwedd is-adran (2)(b) a amnewidiwyd, hepgorer “and”;
    - (ii) ar ôl is-adran (2)(c) a amnewidiwyd, mewnosoder—
      - “and
      - (d) a full statement of case.”;
    - (iii) yn lle is-adran (3) a amnewidiwyd, rhodder—
      - “(3) The appellant must serve on the local planning authority, as soon as reasonably practicable, a copy of—

- (a) the notice of appeal mentioned in subsection (2); and
- (b) the full statement of case.”;
- (iv) ar ôl is-adran (3) a amnewidiwyd, mewnosoder—
  - “(4) In this section “full statement of case” means and is comprised of a written statement containing full particulars of the case the appellant proposes to put forward in relation to the appeal and copies of any supporting documents the appellant proposes to refer to or put in evidence.”;
- (b) ar ôl paragraff 2(a) mewnosoder—
  - “(aa) omit subsections (1A) to (3A);”;
- (c) yn lle paragraff 2(c) rhodder—
  - “(c) omit subsections (6) and (6ZA);”.

### **Darpariaethau trosiannol ac arbed**

**3.—(1)** Pan wneir apêl mewn perthynas â chais am ganiatâd datganedig a wnaed cyn i'r Rheoliadau hyn ddod i rym mae Rheoliadau 1992 yn gymwys i'r apêl honno fel pe na bai'r diwygiadau a wnaed gan reoliad 2(3)(b), (c) ac (e) wedi eu gwneud.

(2) Pan wneir apêl mewn perthynas â hysbysiad peidio â pharhau a gyflwynwyd gan awdurdod cynllunio lleol o dan reoliad 8 o Reoliadau 1992 cyn i'r Rheoliadau hyn ddod i rym mae Rheoliadau 1992 yn gymwys i'r apêl honno fel pe na bai'r diwygiadau a wnaed gan reoliad 2(5)(a) wedi eu gwneud.

5 Ebrill 2017

*Jane Hut*  
Un o Weinidogion Cymru

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

## NODYN ESBONIADOL

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio Rheoliadau Cynllunio Gwlad a Thref (Rheoli Hysbysebion) 1992 ("Rheoliadau 1992").

Maent yn diwygio'r darpariaethau yn rheoliad 15 a Rhannau 3 i 5 o Atodlen 4. Mae'r darpariaethau hynny yn Rheoliadau 1992 yn cymhwyso adrannau 78 a 79 o Ddeddf Cynllunio Gwlad a Thref 1990 ("y Ddeddf Gynllunio"), fel y'u haddaswyd, i apelau mewn perthynas â cheisiadau am ganiatâd datganedig a phan gyflwynir hysbysiad peidio â pharhau o dan reoliad 8 o Reoliadau 1992.

Effaith y diwygiadau yw ei gwneud yn ofynnol—

- (a) i ddatganiad achos llawn ddod gyda hysbysiad apêl, sy'n cynnwys manylion llawn achos yr apelydd a chopïau o ddogfennau ategol yn achos apelau—
  - (i) yn erbyn rhoi caniatâd datganedig sy'n cael ei roi yn ddarostyngedig i amodau;
  - (ii) pan fo awdurdod cynllunio lleol wedi methu â phenderfynu ar gais am ganiatâd datganedig; a
  - (iii) mewn perthynas â hysbysiad peidio â pharhau; a
- (b) i'r apelydd gyflwyno i'r awdurdod cynllunio lleol, cyn gynted ag y bo'n rhesymol ymarferol, gopi o'r hysbysiad apêl ac, yn achos yr apelau a grybwyllir ym mharagraff (a) uchod, i hefyd gyflwyno copi o'r datganiad achos llawn.

Mae'r Rheoliadau hyn hefyd yn dileu Rhan 4 o Atodlen 4 a oedd yn nodi adrannau 78 a 79 o'r Ddeddf Gynllunio fel y'u haddaswyd gan Reoliadau 1992 mewn perthynas â cheisiadau am ganiatâd datganedig.

Ceir darpariaethau trosiannol ac arbed.

Mae'r Asesiad Effaith Rheoleiddiol sy'n gymwys i'r Rheoliadau hyn ar gael gan Lywodraeth Cymru yn: Parc Cathays, Caerdydd, CF10 3NQ ac ar wefan Llywodraeth Cymru ar [www.llyw.cymru](http://www.llyw.cymru)